

Miuhhoih Cwnzvuengz Bouxcuengh Yougyangh

□ Maj Veiyungz comz hoiz



▲ Giuhnding ram saenzbaiz Cwnzvuengz haeuj mbanj.



▲ Aendoih bae Mbanjbyavaiz ciep saenzbaiz Goengsam.



▲ Aendoih ciep saenzbaiz yied byaij yied gyahung.



▲ Boux daeuzmbanj ciepcoux saenzbaiz.



▲ Goengdauh youq bak-miuh namging caeqbaiq.



▲ Goengdauh haeuj miuh namging caeqbaiq.



▲ Gyoengq mehmbwk daem ceizet dajcuengq.



▲ Vunzmbanj simgingq caeqbaiq Cwnzvuengz.

Mbanjcuengh rangh dieg Yougyangh miz gij miuh Cwnzvuengz hunghung iqi haenx, gij lizsij miuh Cwnzvuengz daj Cingciuz hainduj. Gyoengqvunz dawz gojsaeh youqgaenj bouxvunz mwh saeqdoj Gveiqsae haenx caeuq gij gojgaeq gyoengqde gyonj guh boux "saenz yinghyung" ndeu, gij vunz neix cungj dwg vih le hoenx vunzdig, hen henzguk cij dai bae, bouxde couhgw Cwnzvuengz, vunzraeuz guh miuh baiqsax haenx. Moix bi liggaeuq ndawco samnyied, Bouxcuengh dangdieg cungj aeu banh aen miuhhoih hozdung ndeu bae geiqniemh Cwnzvuengz, mbaenjgouz baenz bi cungj mbouj cai mbouj nanh. Aen hozdung aeu guh sam ngoenz yienhneix.

Youq ndaw miuhhoih Cwnzvuengz, aen miuh Cwnzvuengz Mbanjdaihlwnq, aen miuhcoj Cwnz Goengngeih Mbanjaploz, aen miuh Cwnz Goengsam Mbanjbyavaiz, aen miuh hakmbwk Cwnz Yingcin

h Mbanjbakfung daengi miuh haemq miz daiqbiusinq. Liggaeuq samnyied coloeg daengz cogouj, Bouxcuengh dieg Yougyangh cungj youq Yieng Daihlwnq Mbanjdaihlwnq banh aen hozdung "miuhhoih Cwnzvuengz Bouxcuengh Yougyangh" ndeu. Hozdung baumiz: Cingj goengdauh, cingj saenzbaiz, saxcae, biuyienj cezmu, baen fuk, saenz youz haw, soengq saenzbaiz, guh laeuj bakranz daengj. Samnyied coloeg gyanhaet gouj diemjung, aen doih bae baiq saenz couh daj miuh Cwnzvuengz hwnjdin, byaij ndaej haj goengleix le couh daengz Mbanjmaenz, haenx dwg aen miuh daxdaiq caeuq miuh goengda Cwnzvuengz. Gyoengqvunz baiq sat le couh cingj ok gij baizvih songde. Gaenlaeng, aen doih youh daeuj daengj Mbanjaploz bae cingj aen baizvih Cwnz Goengngeih; doeklaeng, aen doih youh daeuj daengz Mbanjbyavaiz, bae cingj aen baizvih Cwnz Goengsam;

gyoengqvunz Mbanjbyavaiz okdaeuj, youh bae laeng aen miuh Cwnz Yingcin Mbanjbakfung, haenx couhgw aen miuh mehyah Cwnzvuengz. Bae daengz aen mbanj ndeu, aen doih hozdung couh lai dem aen doih iq ndeu, gij saek buhvaq gak aen doih iq cungj gak mbouj doxdoengz. Aen doih couh yienhneix daj geijcib vunz dem daengz geijbak vunz, yied bae vunz yied lai, ciengmienh hungloet raixcaix. Miuhhoih Cwnzvuengz Daihlwnq couhgw yienhneix ciuh dem ciuh cienziep roengzbae.

Miuhhoih Cwnzvuengz louz miz haujlai gojgaeq Bouxcuengh, hix baijok gij minzcuz vwnzva Bouxcuengh dieg Yougyangh daeuj. Gij lizsij vwnzva yenzgiu gyaciz de gig sang. Bi 2010, miuhhoih Cwnzvuengz Bouxcuengh Yougyangh senj haeuj buek daihsam swcigih gaep feihvuzciz vwnzva yizcanj mingzloeg.



▲ Vunzmbanj siuyieng saxbaiq Cwnzvuengz.

► Vunzmbanj gvihsax ciepcoux baizsaenz Cwnzvuengz.

